

Smaointe an Stiúirthóra Shúgartha



Bhíomar den tuairim gurbh eispéireas foghlama an-fhiúntach é seo. Léirigh na leanaí an-spéis i dtraenacha agus bhain siad taitneamh as súgradh samhlaíoch leis an traein chairtchláir ar fheadh cúpla seachtain tar éis a déanta.

Tháinig méadú ar stór focail na leanaí maidir le traenacha, mar shampla, amchlár, traein phaisinéirí, traein lastais, paisinéir, stiúirthóir traenach. Bhí cuid de na leanaí an-fheasach ar na focail seo cheana ach ní raibh cuid eile chomh feasach sin orthu, rud a chiallaigh go raibh orainn iarracht ar leith a dhéanamh úsáid a bhaint astu go dtí go raibh gach uile leanbh eolach orthu.

Anois, tá a fhios againn na hamanna a dtéann na traenacha thart agus is minic a théimid amach chun lámh a chroitheadh orthu.



Luath-óige Éireann
Teach Hainault
Cearnóg Belgard
Tamhlacht
Baile Átha Cliath 24

Teil: +353 1 405 7100
Facs: +353 1 405 7109
Riomhphost: info@earlychildhoodireland.ie
Suíomh Idirlín: www.earlychildhoodireland.ie



An Chomhairle Náisiúnta
Curaclaim agus
Measúnachta
24 Cearnóg Mhuirfean
Baile Átha Cliath 2

Teil: +353 1 661 7177
Facs: +353 1 661 7180
Riomhphost: info@ncca.ie
Suíomh Idirlín: www.ncca.ie

Rinneadh an acmhainn seo a fhorbairt tríd an tionscnamh *Aistear i nGníomh*



Sampla is ea an t-eispéireas foghlama seo den chaoi a dtugann seirbhís amháin tacaíocht do cheann amháin de na spriocanna foghlama sa téama *Taiscéalaíocht agus Smaointeoireacht* in *Aistear*.

Téann an traein ó Chorcaigh go dtí Baile Átha Cliath thart ár naíonra gach lá agus tá an-chion ag na leanaí ar thraenacha dá bharr seo. Imríonn siad a lán cluichí a bhfuil baint acu le traenacha, mar sin, d'fhiafraíomar de na leanaí más mian leo traein dá gcuid féin a dhéanamh. Bhí sceitimíní orthu faoin smaoineamh. Bheartaíomar boscaí cairtchláir a úsáid chun an traein a dhéanamh agus chuireamar dath gorm uirthi mar gheall ar gur traein ghorm é *Thomas the Tank Engine*.

D'fhágamar an traein nuaphéinteáilte le triomú thar oíche agus labhraíomar faoina dtarlaíonn ar thraenacha an lá dar gcionn. *Teastaíonn ticéid ó dhaoine*, arsa Lilly. Mar sin, rinne na leanaí ticéid agus d'úsáid siad airgead bréagach chun dul ar bord na traenach. *Deimhníonn an stiúrthóir na ticéid agus cuireann an freastalaí tae ar fáil do na paisinéirí ar bord!* arsa Leanne. *Cheannaigh mo mham ceapaire ar thraein tráth*, arsa Cathal. *Tiomáineann an tiománaí traenach an traein ar an iarnród*, arsa Maurice.

Eispéireas Foghlama: Traenacha

Suíomh: Naíonra Ráth Cúil, Ráth Cúil, Co. Chorcaí

Cineál an tSuímh: Seisiúnach

Aoisghrúpa: Leanaí óga

Téama: *Taiscéalaíocht agus Smaointeoireacht*

Aidhm 1: Forbróidh leanaí scileanna agus straitéisí agus úsáidfídh iad le haghaidh na breathnadóireachta, an cheistiúcháin, an iniúchta, na tuisceana, na hidirbheartaíochta, agus chun fadhbanna a réiteach, agus samhlóidh siad iad féin ina dtaiscéalaithe agus ina smaointeoirí.

Sprioc foghlama 3: I gcomhpháirt leis an duine fásta bainfidh leanaí úsáid as a dtaithí agus as a gcuid eolais chun teoricí atá i bhfeidhm a iniúchadh agus a fhorbairt – teoricí faoin gcaoi a n-oibríonn an domhan, agus machnamh ar na cúiseanna a bhfoghlaímíonn siad rudai agus an chaoi a ndéanann siad amhlaidh.

Boscaí cairtchláir a úsáid chun an traein a dhéanamh



Rinneadh an acmhainn seo a fhorbairt tríd an tionscnamh *Aistear i nGníomh*

Gach uile dhuine ar bord!



Lá amháin, chuamar amach chun breathnú ar thraein agus í ag dul thart. Labhraíomar faoi na soilsí dearga ag an gcroisair comhréidh agus faoi cé chomh tábhachtach is atá sé cloí le Rialacha an Bhóthair chun muid féin a choinneáil slán sábháilte.

Smaoiníomar faoi na daoine a bhí ar an traein, faoina gceannphointí agus faoin bhfáth a raibh siad ag taisteal. Labhraíomar leis na leanaí faoi thraenacha paisinéirí agus faoi traenacha lastais agus faoina bhfuil i gceist leis na téarmaí seo.

Ag léamh an nuachtáin le linn an turais



Lig na leanaí orthu go raibh siad ina bpaisinéirí agus go raibh siad ag déanamh roinnt de na rudaí a dhéanann paisinéirí agus iad ar bord traenach ar nós rudaí a léamh agus labhairt ar a ngutháin.

Ar lá eile, labhraíomar leis na leanaí faoi na traenacha a théann thart an naíonra. Bheartaíomar amanna na dtraenacha a sheiceáil ar líne agus bhreacamar síos an t-am a dtéann gach traen thart an naíonra.



Tae á sheirbheáil ar an traein



Ag glacadh glao tábhachtach



Táimid fós ag cur puzal, ceoil agus leabhar a bhaineann le traenacha ar fáil do na leanaí d'fhonn a gcuid eolais faoi thraenacha a fheabhsú.

Smaointe chun foghlaim na leanaí a leathnú

- Déan turas ar fhíorthraein a phleanáil le tuismitheoirí.
- Cuir leabhair pictiúr agus leabhair fhíorasacha ar fáil faoi thraenacha.
- Déan grúpghníomhaíochtaí beaga a eagrú inar féidir le leanaí úsáid a bhaint as na focail nua a d'fhoghlaim siad maidir le traenacha, mar shampla, ealain agus cluichí a bhaineann le traenacha agus súgradh leis an 'domhan beag'.
- Foghlaim amhrán nó rann do pháistí nua a bhaineann le traenacha.



Tá baint ag an eispéireas seo leis na nithe seo a leanas chomh maith:

Féiniúlacht agus Muintearas, Aidhm 2, Spriocanna Foghlama 5 agus 6 agus Cumarsáid, Aidhm 3, Spriocanna Foghlama 2 agus 5